



**Prijs di Petroleo
awe pa bari**

US\$ 77.00

↑2.87

LOCAL

*Secretario di Estado
Hulandes Ank
Bijleveld ayera:*

**Tin asina
hopi señal cu
hopi cos no ta
canando bon
na Aruba**

Pagina 5

LOCAL

*Relaciona cu e caso
di ladroncia na cas di
Claudius Phillips*

**Persona conoci
den mundo
farandulero
deteni**

Pagina 9.

LOCAL

**Castigo
combina pa
hoben cu a
secuestra su
amiga**

Pagina 7 y 8.

Cu huramentacion door di Gobernador Refunjol

GABINETE MIKE EMAN-I TA UN HECHO



ORANJESTAD

— Den presencia di nan partnernan, diabierna atardi, 30 di october a tuma luga den Fort Zoutman e huramentacion di miembronan di Gabinete Mike Eman-I dilanti di Gobernador di Aruba, sr. Fredis Refunjol. Finalmente e siguiente

personanan a keda instala como minister den Gabinete Mike Eman-I: señor Michael Godfried Eman, señor Arthur Lawrence Dowers, señor Mike Eric de Meza, señor Otmar Enrique Oduber, señor Oslin Benito Sevinger, señor Richard Wayne Milton Visser, señora Michelle Janice Hooyboer-Winklaar y señor Edwin Bibiano Abath. A finalisa e ceremonia di huramentacion cu un brindis caminda Gobernador Refunjol a desea e gabinete nobo hopi exito. Despues den oranan di anochi a tuma lugar e celebracion di instalacion di Gabinete Mike Eman I dilanti di Bestuurskantoor. Hopi pabien na Gabinete Mike Eman I.



**Treat
yourself**

**McFLURRY
Chips
Ahoy!**



**LOTTO
DEPORTE**



JACKPOT

TUR DIARANSON Y DIASABRA

**31 October, 2009
Afl. 540.000**

NA LOTTO TUR NOS PREMIONAN TA WORDO GANA. AWE POR TA DIBO...!!

Despues di relato final di formado y aprobacion ministernan pa Staten

Cu huramentacion door di Gobernador Refunjol, Gabinete Mike Eman-I ta un hecho



ORANJESTAD – Den presencia di nan partnernan, diabierna atardi, 30 di october a tuma luga den Fort Zoutman e huramentacion di miembronan di Gabinete Mike Eman-I. Un dia prome Gobernador a ricibi e relato final di formado cu recomendacion di candidatonan pa minister. Diabierna mainta Gobernador a ricibi aprobacion di Parlamento pa retiro di e ministernan actual y instalacion di e ministernan nobo. E proceso a sigui diabierna merdia cu e cambio di gobierno, na

Continua A/3

Continuacion di A/2



momento cu Gobernador a firma e decretonan di retiro y instalacion. Esaki ela haci den presencia di vice prome minister Marisol Lopez-Tromp y futuro prome minister Mike Eman.

Cu huramentacion di e gabinete nobo, ta yega na final di e proceso di

formacion.

Dia 2 di october ultimo, Gobernador Refunjol a pidi señor Mike Eman pa forma un gabinete cu por conta cu sosten di un mayoria den Staten. Dia 28 di october formado hunto cu su relato final, a entrega un recomendacion pa

instalacion di ministernan den un gabinete nobo.

Cu esaki formado a informa cu e la yega na e conclusion cu tur candidato ta cumpli cu e exigencianan pa por instala candidatonan pa minister, manera esakinan ta stipula den e Decreto di Consejo di Minister di dia 9 di september 2009.



Finalmente e siguiente personanan a keda instala como minister den Gabinete Mike Eman-I: señor Michael Godfried Eman, señor Arthur Lawrence Dowers, señor Mike Eric de Meza, señor Otmar Enrique Oduber, señor Oslin Benito Sevinger, señor Richard Wayne Milton Visser, señora Michelle Janice Hooyboer-Winklaar y señor Edwin Bibiano Abath. A finalisa e ceremonia di huramentacion cu un brindis caminda Gobernador Refunjol a desea e gabinete nobo hopi exito.



Editor
Caribbean Speed
Printers N.V.
Aruba Bank N.V.
Acc.No 033266.8

DIRECTOR

John Chemaly
John Chemaly Jr.

GERENTE GENERAL

Grace Mary Maduro

CORDINADOR

Benjamin Romero

REDACCION

Tito Lacle
Delma Arends
Margarita Els
Oscar Vidal
Maritza Faro
Melvin Garcia
Keven van Ommeren
E-mail: noticia@bondia.com

PROJECT EXECUTIVE

Elisabeth Guanipa
Genevieve Garcia

REDACTOR DEPORTIVO

Harold Faro
Richard Brooks
Andres Krozendijk
Email: deporte@bondia.com

COLABORADOR

Micheal Arends
Dr. Carlos Viana
Ronzzio de Cuba
Seever Krozendijk

INTERNATIONAL

Mariano Heyden
Margatita Els
(Antiyas) (Bonaire)

FOTOGRAFO

Debby Kelly
Dino Tromp
Jason Inesia

REPORTERO

Ludwig Hermans

LAYOUT

Gladys Palomino
Dina Maria

SALES

Elly Erasmus
Marijke Croes Luidens
Wendy Kelkboom

AVISO Y ARTE

Sandra Loeffstop
(Hefe Reservacion)
Lando Rafael

ADMINISTRACION Y DISTRIBUCION

Eduard Martijn
(Hefe)
Jenny Lobbrecht
Martha Ariza

COLLECTOR

Marieta Tromp
Sheila Bareño

PRE PRESS

Luis Fernando Arenas
(Hefe)
Pablo Libre

PRESS

Ronald Schenker
(Hefe)
Omar Ramirez
Martin Boekhoudt

RECEPCIONISTA

Mariela Carrera

AGENDA DI NOTICIA

Associated Press
Editor's Press
United Media
Reuters

AFILIACION

Sociedad Interamerica
de Prensa (SIP)

DIRECCION

Weststraat 22
Tel: 582-7800 / Fax: 582-7044
Email: noticia@bondia.com
BON DIA ARUBA

Ta un corant redacta y imprimi na Aruba
y ta obtenibel di Dialuna te cu Diasabra
Ningun contenido por wordo reproduci
sin permiso di Editor.
www.bondia.com

Editorial



Gabinete Mike Eman a crea un ambiente di union y positivismo cu e mes tin cu sigui cune

Gabinete Mike Eman I ayera a bira un realidad despues cu Consejo di Minister nobo a huramenta pa sirbi nan pais dilanti di Gobernador Fredis Refunjol.

Un etapa nobo den gobernacion di nos pais, ta inicia despues cu pueblo den forma contundente, a kita mandato di Gabinete Oduber IV, pa pone esaki den man di un Gobierno nobo.

Un mandato nobo cu pueblo a duna, cu ta igual na un speranza nobo cu pueblo ta confia cu e lo ricibi for di esnan cu a sigura cu e situacion lo cambia cu nan programa di gobernacion.

Den oranan di anochi a sigui un celebracion dilanti di oficina renoba di Gobierno, esta conoci como “Bestuurskantoor” cual a haya un nificacion special despues cu e lugar a wordo renoba y reconstrui, pa grupo grandi di boluntario.

Discursionan religioso, oracionnan pa bendicion y un mensahe di e distinguido Minister Presidente mr Mike Eman, kende ta kere firmemente den solucion di e problemanan cu tin, y crea un pais di cual tur hende por biba cu tur tranquilidad den dje.

Premier Eman a muestra cu e sentimento pa un cambio di e pueblo di Aruba, a surgi for di e necesidad di e deseo di pueblo, caminda tur hende ta kere cu e situacion por mihor, cu nos por mihor y cu nos merece mihor.

E actividad di ayera nochi tabata culminacion di celebracion di e cambio di gobernacion, cu a inicia for di diahuebs mainta, cu e ceremonia di huramentacion di miembronan nobo di Parlamento, caminda ya enberdad por a sinti un cambio compara cu e mesun procesonan anterior.

Tabata reina respet, tabata reina positivismo y pa prome bes den hopi pero hopi tempo, tabata reina un aire di positivismo, pero principalmente di madurez politico, di representantenan di pueblo cu ta dunando e impresion cu nan ta compronde e tarea cu nan a asumi cu nan huramentacion.

E aire positivo aki a bolbe lanta cabez ayera cu acto di huramentacion di e Ministernan nobo ya cu ta for di mainta tabatin un ambiente festivo, di un pueblo cu tabata anhelando un cambio den gobernacion, cu mester refleha completamente riba henter comunidad den futuro.

E ambiente di speranza, e ambiente di un cambio, no solamente riba nivel gubernamental pero tambe riba nivel di mentalidad politico, tabata presente den tur e ceremonianan cu a tuma lugar y mientras cu desde awe tur cos ta normaliza y Gabinet Mike Eman ta inicia su periodo di gobernacion, e expectativa pa cosnan sigui den e rumbo positivo aki ta mas grandi cu nunca.

Un ambiente positivo, un ambiente di union cu a impresiona tanto Secretario di Estado Ank Bijleveld como Minister Presidente Emily de Jongh Elhage, kendenan a señala e ambiente di union cu nan a sinti den e pueblo di Aruba, y cu ta refleha cu mihor tempo ta na caminda pa union den henter

Reino Hulandes.

Den su prome oranan como Minister Presidente, sr Eman a ricibi reconocimiento pa e esfuerzo cu el a haci pa crea un ambiente di union den su pueblo, di reuni tur hende pa traha hunto pa no solamente drecha e oficina di Gobierno, pero cu e conviccion cu tur lo traha hunto pa hiba e pais dilanti.

E desaroyonan aki, sin duda algun, ta eleva tambe e expectativanan pa e Gobierno nobo aki, cu ya no por ta simplemente un otro gobierno, pero realmente un Gobierno cu ta trece e cambio cu tanto pueblo ta desea.

Un cambio pa un mihor mayan, un cambio caminda tur hende por biba den un sociedad sin mucho preocupacion. Un cambio caminda pueblo ta spera cambio riba diferente tereno, husticia, enseñanza, labor, husticia, salubridad, social y otro terenonan cu ta di vital importancia pa e pueblo di Aruba.

Gabinete Mike Eman, mescos cu e fraccion di AVP den Parlamento cu mester sostiene e gabinete aki, ta para dilanti un reto grandi, kizas ainda mas grandi cu Gabinete Henny Eman na 1986, cu a asumi mando di e pais despues di ciere di Lago.

E problemanan ta conoci, tanto riba nivel nacional como internacional, y tur hende sa cu ta bai rekeri un plan di maneho sumamente efectivo y creativo, cu tambe mester sirbi como motivacion pa riba tur nivel di sociedad, haya e sosten pa traha den mesun rumbo y cu mesun meta.

Sinembargo presencia di Ank Bijleveld, y presencia di Minister Presidente de Jongh Elhage, ta confirma cu e cooperacion ta sigura den e propio paisnan di Reino, pa enfrenta e retonan aki conhunto y yuda otro soluciona e problemanan cu tin pa tur involvi.

For di awe caba ta inicia un serie di reunion entre Bijleveld y Minister Presidente Mike Eman, Minister di Finanza Mike de Meza y Minister di Husticia Arthur Dowers, y gobernacion di pais Aruba ta inicia riba e nivel di mas halto cu por tin.

Ta trata di tres reunion sumamente importante y caminda lo pone e base pa un acuerdo di cooperacion, pero mas tanto di entendimiento riba diferente tereno pa asina por complementa otro caminda cu ta necesario.

Mescos cu e tarea pa Gabinete Mike Eman lo ta un grandi, Parlamento nobo tambe ta dilanti un reto grandi, caminda no solamente fraccion di AVP, pero henter e constelacion tin cu compronde cu e Consejo tin cu gana e respet y confianza bek di un pueblo, cu a perde tur esaki den su Consejo Legislativo.

Pa gana e respet aki, ta e propio miembronan tin cu muestra respet pa loke nan ta representa y pa loke ta nan obligacion. Pues un era nobo a inicia for di ayera y cu tin cu expande den henter comunidad como realmente e cambianan cu pueblo a pidi y cu pueblo lo bay haya tambe.